

us. vt pascalis percentio
sacramēti cōtinua
stris mentibus ple

Y b
205

P d.

Feria q̄rta intro.

Uenite benedicti patris
mei percipite regnum
allā. qd̄ vobis paratū est ab
origine mundi allā allā allā.

p̄s Cantate dño canticū no:
uū qz mirabilia fecit. **Colla.**

Deus qui nos resur:
rectionis dñice an
nua solēnitare letificas.



BIBLIOTHECA
PONICKAVIANA

QK. 100, 46.

Kat. II, 315.

p dies multos his qui si-
mul ascenderāt cū eo de
galilea in hierosolimam: qui vsq[ue]
nunc sunt testes eius ad
plebē. Et nos vobis an-
nūciam⁹ eā que ad p[re]s-
entē n[ost]ros rep[ro]missio facta est
quā hanc deus ad imple-
uit filijs v[ost]ris. resuscitans
iesū christū dñm nostrū.

Hec dies quam fecit **Hy**
dñs exultemus et letemur in
ea. **✠** Dicant nunc qui red-

172
Ein vermanung
Hieronymi Welleri S. An
seine lieben Freyberger!
zur zeyt/da die Pestilentz
bey in regierte.



Psalmo/ LXXXIX.
Woldem Voldt das janchzen kan.
Anno M. D. LXV.

28

Handwritten text, likely bleed-through from the reverse side of the page. The text is faint and difficult to decipher but appears to include the year "1821" and possibly "D. LXXV".



Ein vermanung

Hieronymi Welleri D. an

seine lieben Freyberger / zur
zeyt / da die Pestilenz bey
in regieret.

Grad / fried vnd trost
inn vnserm lieben Herzen
vnd trewen Heyland Jesu
Christ / mein aller liebsten
Freunde / Weyl ich sehe vnd höre teg-
lich / wie ein groß schrecken / forcht. vnd
grawen die Leute alhie für der Pes-
tilenz / so jetzt anhebet zu regieren /
ankommen ist / habe ichs nicht können
mit gutem gewissen vnterlassen / eine
Kleine vermanung an euch alle zustel-
len / Sincemal ich von Gott hier beruf-
fen / das ich meinem Vatterland mit
leren / trösten vnd raten / dienen vnd
helffen sol.

Erstlich solt jr wissen / das solche
A ij straffe

*Immer
früher
Ange.*

*Erst
Ange
Ange.*

straffe von Gott vns sey zugeschickt /
von wegen vnser grossen vnd manch
feltigen sünden / vnd gar ein gnedige
Verterliche straffe sey / gegen den ans
dern straffen, als hunger vnd Krieg /
Denn im Kriege werden alle Geistlich /
Weltlich / Heussliche Regiment zuris /
sen / vnd geschicht solcher jammer / das
ein Christ lieber wolt vnd solt tod sein /
Denn wir sehen wie gewlich vnd jema
merlich die leute werden umbbracht /
vnd erwürget. So lasset vns nu diese
straffe gedultig annemen vnd dencken /
das wirs vberaus wol verschuldet ha
ben / das vns Gott also züchrig /
doch nun etliche Jare daher solcher
müerwil / sicherheyt / hoffart / geytz /
vnzucht / solch fressen vnd sauffen /
vnd dergleychen Sünden alhie im
schwang gegangen / das mirs hat wes
he im hertzen gethan / das ich solches
habe müssen sehen vnd hören / wie Loth
zu Sodoma hat sehen vnd hören müs
sen / das ich offte zu meinen mit dies
nern im Euangelio gesagt habe : Es
kan vnser Herr Gott die lenge nicht
zusehen /

*Erwäge
vnd
bitte.*

*In
Gott
Gott.*

zusehen / jr werdet sehen / es wirdt ein
straffe drauff folgen / Gott behüte vns
nur für Krieg / ich wil in bitten / er wolt
das schwerdt wandeln inn eine Patter
rutten / vnd ein gnedigs sterben erge
hen lassen / weil wir ja sollen eine straf
fe leyden.

Zum andern / sol ein jeglicher inn
seinem beruff rechtschaffene vnd ernste
busse thun / sein leben bessern / vnd sich
zu Gott bekeren / Denn die schrifft zeu
get beyde mit Sprüchen vnd Ex
empeln gewaltig / Wie ein köstlich /
liebes vnd angenehem opffer es sey für
Gott / vmb eine rechtschaffene busse /
das er grosse grewliche / schreckliche pla
gen vnd straff / so er Land vnd Leuten
gedrowet hat / wider abgewendet ha
be / wenn die leute darinn haben bus
gethan. Denn so spricht er durch den
Propheten **J**eremi. am 18. **B**lözlich
rede ich wieder ein Völck vnd Königs
reych / das ichs außrotten vnd verder
ben wölle / wo sichs aber bekeret von
seiner bosheyt / da wider ich rede / so sol
mich auch rewen das vnglück / das ich

A iij **in**

unw. In gedachte zuthun / Da Got die groß-
se Stadt Ninive / von wegen ihrer
bossheyt wolt verderben / schicket er zu
in den Propheten Jonam / der ihn sol-
ches verkündiget / Aber da die Nini-
viten ernste busse thaten / wendet Got
die straffe von ihn abe. Wenn Sodo-
ma vnd Gomorra hetten auch busse
gethan / da sie Gott durch ihren Lerer
vnd Propheten Loth dazu gemanet /
sie stünden noch / desgleychen auch die
Stadt Jerusalem. Denn Gott vnser
Herz ist gnedig / barmherzig / vnd von
grosser güte / vnd wil nicht den Todt
des sünders / sonder das er sich bekere /
vnd lebe / Dezech. 18.

2. 1. 1. Zum dritten / sollen wir fleissig /
vnd ernstlich beten / Gott anrufen /
vnd bitten / Er wolt nicht mit vns han-
deln nach vnsern sünden vñ missethat /
sondern nach seiner grossen gnad vnd
barmherzigkeyt / diese straffe lindern /
vnd messigen / vmb seines lieben Sons
Jesu Christi vnseres Heylands willen /
an den wir glauben / lieben / ehren vnd
bekennen. Ein jedlicher Haushatter
sol

sol sein Weyb / Kind / gesind dazu hal-
ten / das sie alle tage dreymal / frue /
zu Mittage / vnnnd auff den Abent
fleyssig beten / Denn es gar ein kref-
tig / mechtig / schefftig ding ist / vmb das
gebet / wie **S.** Jacobus spricht in seiner
Epistel: **D**es gerechten gebet vermag
vil / wenn es ernst ist / Es dringt durch
die Wolcken / gewinnet vnnnd erweyche
Gott das hertz / das ers nicht lassen
kan / er muß vns erhören / vnnnd geben
was wir bitten / im namen seines lieben
Sons vnser Herrn Jesu Christi / vnd
ob er schon mit der hülff verzeuhet / so
sollen wir doch nicht ablassen / mit bit-
ten / suchen vnd anklopffen / biß so lan-
ge die hülffe vnnnd Erlösung endlich
kempt / Denn es gefellet ihm herzlich
wol / vnnnd ist ihm ein liebes Spffer /
wenn wir so emsig / fleyssig anhalten /
mit beten / ruffen vnnnd seuffzen / wie
Christus selbs zeugt / Luce am 18. vnnnd
gibet des ein Exempel vom unge-
rechten Richter / welchen die ar-
me Witwe durch ihr teglich anlauffen /
endlich so müde machte / das er sie mus

A iij ste

*früher
Erlösung
von dem*

ste retten von irem widersacher / vnnnd
schleust darauß / vnnnd spricht / Weyl
solch anlauffen vnd geylen / der vnge-
rechte Richter / so weder Gott noch die
Menschen gefürcht / geduldet / vnd die
Witwe errettet hat / wie vil mehr wirt
Gott der Vatter der barmhertzig-
keyt / sich lassen erbitten / vnnnd vns
retten / wenn wir in teglich anlauffen /
mit ernstem gebete vnnnd gründlichen
seuffzen. *Exemplum* Dieher gehören nu die *Exem-*
plum pel der schrifft / als des Cananeischen
Weybleins / welches auch mit irem an-
lauffen / vnd vnablesigen bitten vnnnd
flehen / Christo endlich das hertz er-
weichte / das er irer Tochter halff. *Itē* /
das *Exempel* Mose im 4. buch Mose
am 14. Capi. *Da* Gott wolt das volck
Israel gar verderben / das sie wider
in vnd Mosen gemurret hatten / fiel
Moses Gott inn die arme mit seinem
gebete / vnnnd macht das Gott seinen
zorn fallen / vnnnd die plage nicht erge-
hen ließ.

Darumb lieben Freunde / lasset vns
nun getrost zum Herren ruffen vnnnd
schreyen /

schreyen / vnd am gebet fleysſſig anhals
ten / so werden wir erfahren / das Gott
entweder die plage werd gar weg nes
men / oder je eriglich vnd leidlich ma
chen. Ich wil mit meinem Vater vnser
gar trewlich vnd fleysſſig zu euch setzen.

Zum vierden / sol ein jeglicher / so
er anders ein Christ sein wil / sich seines
nehesten in solcher gegenwertiger not
vnd fahr annemen / im dienen / helfen /
varen / vnd in trösten nach seinem ver
mögen / vnd sich nicht fürchten noch
entsetzen für diser seuche / so jetzt regies
ret / sonder getrost vñ vnerschrockē auf
Gottes wort vñ gebot: Du solt deinen
nehesten lieben / als dich selbs / sich verz
lassen vnd wagen / den Teuffel verachs
ten / vnd sprechen: Neb dich von mir
weg Satan mit deinem schrecken vnd
lügen / Ich wil meinem lieben Herren
Jesu Christo zu dienst vnd ehren / jetzt
zu meinem Bruder / vnd meiner schwe
ster gehen / sein warten vnd pflegen /
wen er auch hundert Pestilenz an seis
nem leybe hette / noch wil ich zu im ge
hen / denn ich weyß / das ich solch Götts

A v lich

*4
Lini 14
Lini 15
Lini 16*

lich werck der liebe dem Herrn Christo
selbst erzeyge / Den so spricht er / Mat-
thet am 25. Ich bin krank gewesen /
vnd jr habt mich besucht / Darumb bin
ich getrost vnd gewiß / das er mich wol
wilt erhalten / vnd schützen / wider des
Teuffels anhauchen vnd seine gift /
denn er hat krafft vnd macht genug
die seinen zuschützen vnd erhalten / in
allerley noth vnd fahr / weyl er Al-
mechtig ist / vnd auß nichts alles ge-
schaffen hat. Wie würde alle welt zus-
lauffen / wen der Herr Christus jezund
auff erden gieng / vnd irgent in einem
haus krank lege / jederman würde im
wollen dienen / sein pflegen vnd war-
ten / vnd das beste wollen bey im thun /
vnd da keine fahr scheuen / noch keiner
mühe / noch arbeyt sich tarren lassen /
Nun ligt er jetzt krank in vielen seinen
gliedern / vnd ist doch schier niemand
der zu im kommen wolle / vnd in besu-
chen / Pfuhe dich an / du schendlicher vn-
glaube.

Das aber Gott gnediglich behü-
ten wolle / alle so die Kranken besuchen /
je

*Das ist ein
Büchlein
von dem
Herrn
Christo.*

*Das ist ein
Büchlein
von dem
Herrn
Christo.*

ir pflegen vnd warten/zeuget Der 41.
Psaln/da also stehet geschrieben: **Wol**
dem/der sich des dürfftigen annimbt/
den wirt der Herr erretten zur bösen
zeyt/Der Herr wirt in bewaren / vnd
beim leben erhalten/vñ in lassen wol
gehen auff erden/vnd nicht geben in
seiner Seynde willen/Der Herr wirt
in erquicken auff seinem siechbete / du
hilffst ihm von aller seiner Franckheyt.
Da hören wir/wie gar tröstlich Gott
verheysset/das er wölle die jenigen / so
der siechen vnd Francken warten/vnd
sich ir annemen / gnediglich beim leben
erhalten / das ihn nichts schaden sol/
weyl sie Gottes gebot nach dem nech
sten in seiner not vnd Franckheyt dies
nen/wie denn auch die erfahrung zeu
get /das selten die leute vmbkommen/
vnd an der Pestilenz sterben/so da
den Francken dienen vnd ir warten.
Denn Gott kan nicht liegen noch tries
gen/was er zusaget/das helt er gewis/
Psal. 33. **H**ieher gehört der spruch auß
dem 91. Psalm. **Ob** tausent fallen zu
deiner seiten/vnd zehen tausent zu dein
ner

Engl.

ner rechten / so sol es doch dich nicht
treffen. Als solt er sagen / wil dich Gott
beim leben erhalten / dz du seiner Christ
lichen Kirchen / vnd deinem nehesten
noch lenger dienen solt / so wil vnd kan
er dich wol schützen / wider des Teufels
giffte / die er in die leute scheufft / wie fero
rige pfeyle / Denn er hat seinen En
geln befolhen vber dir / das sie dich be
hüten auff allen deinen wegen vnd
eine Wagenburg vmb dich schlagen /
Psal. 34. Das der böse feind nicht kan
zu dir einbrechen / wenn er auch noch so
mechtig / grimmig / listig vnd zornig
were. Es sol die giffte vnd Pestilenz
dich so wenig verletzen / als das Feuer
die drey Knaben Danielis gesellen zu
Babylon im ferri gen offen verfehret
kundte. Denn der Herr Zebaoth ist der
Gott / der alles in seiner hand hat / Der
zum ferri spricht / brenne nicht. Zum
wasser / erseuffe du nicht. Zur Pestilenz
vergiffte du meinen Heyligen nicht.
Zum Schwerdt / schneide du nicht / wie
wir denn lesen inn den Historien / das
vilen heilige Merteurer weder schwerdt /
ferri



Fewer noch Wasser hat Können schaf-
den/noch sie verletzen.

Wol ist's war/wenn jemand in
ein Haus gehen wolt / da die leut an
der Pestilenz Franck legen/vund were
nicht von nöten/das ers there/weil sie
wol versorget sind/auf einem lauter
fürwitz/das er damit seine manheyt
wolt beweysen/das hieß Got versucht.
Wie aber wen dort mein nehester ligt/
vnd ist niemand der sein pflege / sol ich
in lassen verderben vnd sterben? Nein/
Ich sol auff Gottes wort vnd verheiß-
ung/getrost vnd vnerschrocken zu ihm
gehen/vnd alles frisch wagen/vnd ge-
dencken/das da vil Engel vmb mich
sein/die mich wider des Teufels gifti-
gen anhauchen schützen. Wie aber wen
einer so schwachglaubig vnd Kleinmü-
tig were/das ers nicht dürfft wagen?
Antwort. So sol er durch andere/die
da stercker sind/den Francken schicken/
was er bedarff. Denn ich weiß wol/das
wie Christen nit alle zu gleich im glau-
ben starck sind/Ja das auch die gross-
en Heyligen bißweilen so schwach im
glauben

*fürwitz
zu Fran-
ken.*

Einwort

*und im
wort.*



glauben werden / das sie sich auch schier
für einem rauschenden blat fürchten /
vnd sie sich jezund für dem Tod so hart
fürchten vnd entsetzen / das sie nicht
wissen / wo sie sollen bleyben / Die doch
zuor newlich / so mutig / kecke vnd vn-
erschrocken waren / vnd hetten auff al-
le Teuffel vnd den Todt nicht ein klipf-
lin gegeben. Da der Prophet David
sich mit dem Goliath vnterstunde zu
kempffen / het er nicht ein hertz wie
ein Löwe? Aber wie verzagt vnd
schwachglaubig war er / da er für dem
König Saul in die steinklufft flohe?
Deßgleichen auch / da in sein Son Abs-
olon auß dem Königreich vertriebte /
wie der 55. vnd 57. Psalm zeugen. Setz
te nicht der Prophet Elias mehr denn
zehn mans hertzen / vnd war ein rech-
ter Held im glauben / da er dem Kö-
nige Achas / der ihm nach dem leben
stunde / vnter augen trat / vnd sprach
zu im: Du vnd deines Vatters haus
verwirret Israel / vnd erwürget alle
Propheten Baal / im andern Buch der
Könige am 18. Capic. Aber wie plötz-
lich

lich fiel vñnd sanck dahin der starcke
glaube vñ freydige mut / da die Königin
Jesabel im ließ sagen / sie wolt ihn
lassen vmbbringen? Welche trawen in
so hart erschreckte / das er auch für
furcht inn die Wüsten lieff. Dargegen
findet man auch Exempel / die da zeu-
gen / das Gott den schwachglaubigen
vñd Kleinmütigen / inn grossen nöten
vñd fahrt / solch groß hertz vñnd mut
verlihen hat / das sie gar grosse ding
gemacht / gethan vñnd außgerichtet
haben / das wol recht spricht der Pro-
phet / Psalmo 4. Der Herr füret sei-
ne heyligen wunderbarlich / denn er lesset
sie jetzt küne vñnd vnerschrocken sein /
wie die Löwen / bald lesset er sie wider
schwach / erschrocken vñ schüchter wer-
den / wie die Schafe. Solches alles
thut er darumb / das er seine krafft inn
vñser schwachheyt beweise / vñd vns in
der demut erhalte / als ein frommer /
trewer Gott. Solches schreibe ich das
rumb / das niemand seines schwachen
glaubens halben sol verzagen / noch sei-
nes starcken glauben sich erheben oder
vermessen sein.

Wöcht

*Ob man
von
fliehen
muss.*

*Wird
von
dem
König
von
muss.*

Wöchte hie jemand fragen/ob es
auch recht sey/das man für dem ster-
ben fliehe/Da von hat der selige mann
Gottes D. Martinus Luther eine
herzliche vnd tröstliche schrifft vor zey-
ten lassen außgehen/dahin weyß ich
den leser. Das ist aber kürzlich die mei-
nung/Wer mit dienst oder ampt ver-
hafftet ist/oder sonst bleiben muß von
wegē seines vnuermögens zu reysen/
der ist schuldig zu bleyben/vnd seinem
nehisten in solcher not zu dienen. Doch
wer sein ampt der massen bestellē kan
mit einem andern/das die gemeine da
mit wol versorget sey/der kan mit gu-
tem gewissen wol fliehen/sonderlich/
wenn er sich hart für diser seuche ent-
setzet vnd fürchtet. Wo er aber das nit
thun kan/so sol er bleiben/vnd von sei-
nen Scheflin nicht weychen/vnd wis-
sen/das Gott/der in in solch ampt ge-
setzet hat/vnd in heissen bleyben/werde
in auch wol bewaren vnd schützen/das
in der Satan nicht könne vergiffen.

Zu lezt/wil ich auch vermanet vnd
gebetē haben vmb Christus willen/die
jenigen

1



jenigen so die Pestilenz am halse habē /
sie mit vnter die leute gehen / vñ sie das
vergifften / Denn wer solches thut / der
ist für Gott ein mörder gleych so wol /
als der seinen nehesten mit der faust
tode schlecht / vnd denckt an den spruch
Christi / Matth. 7. Was ihr wolt das
euch die leute thun sollen / das thut ihr
in / das ist das Gesetz vnd die Prophez
een. Du woltest nicht gern / das dir je
mand einen schaden zufüget / oder dich
vergifftet / So dencke nun / das dein
nehester auch also gestimmet sey. Weyter
vermane ich auch die Eheleute / das
keines das ander innnöden verlasse /
Der mann sol bey seinem Francken weis
be bleiben / vnd jr pflegen vnd warten /
als seines eigen leibs / denn solchs wil
Gott von im haben / Desgleichen auch
das weib bey dem mann bleybe / vñnd
nicht von im weiche / wenn er auch ze
hen Pestilenz an ihm hette / Denn ich
höre / das etliche Wenner von ihren
Weybern lauffen / wenn sie an dieser
seuche darnider ligen / vñnd lassen sie
verschmachten / Solche sol man für kei

B ne

Paul
Bilgus
Salv.

Edwin.

weisen / vnd sprechen: Neb dich von mir
Satan / ich wil nicht hören / was du
mir in die ohren vnd ins hertz plu-
derst / wil hören was mein Gott vnd
Hertz zu mir spricht / Der spricht also:
Ich bin der Hertz dein Gott / das ist:
Ich wil dein trost / schutz vnd schirm
sein / wider alles / so dich wil verder-
ben / Du bist mein Kind / Ich bin dein
Schöpffer / Erlöser vnd seligmacher /
Du bist mir so lieb / als mein eigener
Son / Christus dein Heyland / das habe
ich damit beweyset / das ich ihn für dich
in den todt gegeben habe / vnd in lassen
sein tewers blut für dich vergossen.

Das sey zur vermanung genug.
Gott der Hertz der mich geheissen hat /
euch also zu vermanen vnd trösten /
gebe euch das alles zu glauben / vnd
spreche das alles in ewer hertz / das ich
in ewer ohren hiemit spreche / Amen /
Amen. 20. Septembris 1564.

B 4 Ein

Ein Gebetlin.

Herz Gott Himlischer Vatter /
Ewiger / barmherziger Gott /
Wir bekennen / das wir dise straf-
fe wol verdient haben mit vnsern gros-
sen / grewlichen / manchfeltigen sündē /
vñ ist vns hertzlich leid / das wir wider
dich gesündigtet haben. Wir bitten aber
dich durch deinen lieben Son / vnsern
lieben Herrn vñnd Heyland Ihesum
Christum / du wöllest vns straffen nit
nach vnserm verdienst / sondern nach
deiner grossen gnaden vñnd barmher-
zigkeyt / in Christo vns verheissen vñnd
zugesagt. Ach Herz erhöre vns. Ach
Herz sey vns gnedig / vñnd nim diese
seuche von vns / vñm deins lieben heuff-
leins willen / ja vmb deines lieben sons
Jesu Christi willen / an den wir glau-
ben / den wir lieben / loben / preysen vñnd
bekennen / auff das wir erlöset / deine
grosse macht / krafft / gnade / güte vñnd
barmherzigkeyt rhümen können / Den
die todten loben dich Herz nicht / noch
die

die hinfaren inn die stille. Wir sind ja
deine Kinder/das werck deiner hende.
O Jesu Christe/du lieber trewer Hey-
land/du höchster tröster/hilff vns bit-
ten vnd glauben/Bringe vnser hertz-
lich seuffzen vnnnd gründlich flehen für
deinen vnd vnsern Vatter im Himmel/
denn wir verlassen vns auff deine tröst-
liche verheissung vnnnd zusagung/da du
sprichst: Warlich/warlich/ich sage euch/
So jr den Vatter etwas bitten wer-
det in meinem namen/dz wirt er euch
geben. Item/Was jr den Vatter bit-
ten werdet in meinem namen/das wil
ich thun/auff das der Vatter geehret
werde im Sone. O heyliger Geyst/
Herre Gott/du süßer tröster/stehe vns
bey inn diser not/verleyhe vns einen
starckē/ festen glauben/ein frölich/ge-
trosts hertz/das wir für sünden/tode
vnnnd Teuffel nicht erschrecken/durch
Ihesum Christum vnsern Herren/
Amen.

Darauff ein Vatter vnser gespro-
chen/mit grossen ernst vnnnd andacht.

Solch gebetlins sol ein jeder hauff

B in vatter

vatter des tags dreymal mit seinem
Weyb/Kind vnd gesind sprechen.

Joel 2. Capitel.

Gnedig vnd barmher-
zig ist der Herz / Gedultig
vnd von grosser güte / vnd
rewet in bald der straffe.

*Berglig
Hau.*

Gnedig heyst er / das er die sünde
vergiebt vmb Christus willen / an den
wir glauben / vnd lesser sich leichte ver-
sünnen / nicht durch vnser werck oder
verdienst / sondern durch Christum.

*Zu
Jung.*

Barmherzig / Das in vnser jam-
mert / das wir so arme / elende / betrüb-
te / vnd müheselige menschen sind / vnd
das er vns nicht wil inn vnserm jams-
mer / not vnd angst lassen verderben.

*Yubel
Lig.*

Gedultig / Das er mit vnser schwas-
cheyt kan gedult tragen / vnd gibt vns
zeyt vnd raum genug dazu / das wir
können vnd sollen busse thun.

Von

Von grosser gütē / Das er vns vns
selig vil wolhat / Geystlich vnd leyb-
lich erzeyget.

*von grosser
gütē.*

Vnd reuere in bald der straff / Das
ist / Das er nicht strafft wie die Mens-
schen / sondern ganz Vetterlich vnd
gnediglich / wie einem frommen / treuen
en Gott wol ansehet.

*von grosser
gütē
straff.*

B **liij** **Ein**

Ein trostschrift
an ein guten Freund / wel-
chen Gott der Herr mit der
seuche der Pestilenz hat
angriffen.

Gnad vnd frid von Got
dem Vatter / vnd seinem lie-
ben Son Jesu Christ / vn-
serm lieben Herrn vnd hey-
lande / Amen.

Lieber Freund vnd
Bruder in Christo / Do der
heylige König vnd Prophet
Dauid / sich an Gott dem
Herrn versündiget / vnd sein volck het
zelen lassen / Schicket vnser Herr Gott

zu ihm den Propheten Gad / vnd leste
im sagen / er sol auß dreyen plagen ihm
eine erwehlen / vnd außlesen / Dann so
spricht der Prophet : Wiltu das sieben
jar tewrung komme in dein Land : o
der / das du drey Wonden für deinen
widersachern fliehen müssest / vnd sie
dich verfolgen : oder / das drey tage pe
stilentz in deinem lande sey : Dem liebe
Dauid wurde angst vnd bang / vnd er
wehlet die pestilentz / Denn / spricht er /
lasset vns in die hand des Herrn fal
len / Denn seine barmhertzigkeyt ist
groß / ich wil nicht inn der Menschen
hende fallen. Wie er nun dise straffe er
wehlet / da leste Gott der Herr pestilentz
in Israel kommen / vnd es sterben an
der pestilentz bey siebentzig tausent
Man / Vnd nach dem on zweyfel Da
uid Gott den Herrn wird ernstlich an
geruffen / vnd gebeten haben / er wölle
doch solche plage wider von ihm weg
nemen / da gerewet den Herren solch
vbel / vnd wendet die plag vom volck
wider abe.

Das ist ein erschrockliche / vnd zu
gleich

*Das war
das was
da an
geban
Gott.*

1.

2.

3.

*Dauid er
wilt die
pestilentz.*

*70000
starben.*



gleich ein sehr schöne vnd tröstliche Hi-
storia / darinn wir erstlich hören / was
doch die ursache sey / das vnser Herz
Gott / vns menschen auff Erden an-
greiffe / vnd straffet mit Krieg / hunger
vnd pestilenz / nemlich / nichts anders /
denn vnser grewliche / vnd manigfalt-
tige sünden / vnd die verachtung Got-
tes / vnd seines worts . Dann dieweyl
wir menschen die ganze zeyt vnser les-
bens sein sicher vnd stolz dahin gehen /
vnd nicht erkennen wollen / wie wir
doch einen so gütigen / freundlichen
vnd barmherzigen Gott vnd Vatter
im Himmel haben / der vns mit unzelt-
gen gütern vnd wolthat / geystlich vnd
leiblich / reychlich vberschüttet / gibet
vns sein wort rein vñ lauter / das wirs
hören können / wann wir nur wollen /
gibet vns auch guten fried darzu / ein
gesunden leib / fromm Weyb vnd Kind /
vnd vnser zeytliche narung / vnd bes-
hütet vns für allem vbel / vnd vn-
glück / Solchs sage ich / wann wirs nit
wollen erkennen / sondern schlagens in
wind / verachtē sein wort / leben in sün-
den

*Sünden
straffe.*

*Wann wir
einige
wollen.*

den nach vnserm gefallen / vnd miß
brauchen seiner gaben / So muß er ein
mal kommen mit seiner ruten / vñ vns
heimsuchen / Entweder mit Krieg / hun-
ger oder Pestilenz / damit wir nicht in
sicherheyt fortfaren / sondern lernen
Gott fürchten / ihn fleysig anrufen /
vnd seine gaben recht vnd wol brau-
chen / vnd im dafür danken.

*Er kommt
Gnaden
an die
Kraft.*

Dieweyl dann Gott der Herz auch
euch angegriffen hat mit seiner Ver-
terlichen rute / So solt jr nicht trawrig
noch Kleinmütig sein / sondern erstlich
gedenckē: Jch habe solche straff gar wol
verdienen mit meinen sünden / Aber ich
weyß / das mein Gott vnd Vatter im
Himmel gnedig vnd barmherzig ist /
vnd nicht mit mir handeln wirt / nach
meinen sünden / sondern nach seiner
gnade vnd grossen barmherzigkeyt.
Das er mich aber jetzt hat angegriffen
mit seiner Vetterlichen ruten / thut er
nicht darumb / mich zu verderben /
sondern züchtiget mich nur / als ein
frommer Vatter / sein liebes Kind / den
welchen Gott der Herz lieb hat / den
züchtiget

*So gnedig
vnd barm-
herzig ist
Gott der
Vatter*



züchtiget er / vnd legt im ein kreuz auf /
doch also / das ers kan ertragen.

Fig. Darnach solt jr euch des trösten /
das solche straffe nicht ewig wirt wes-
ren / sondern wann jr Gott ernstlich bit-
ten vñ anruffen werdet / so wirt er sol-
che plage nach seinem willen vnd wol-
gefallen / wider von euch nemen / vñnd
euch widerumb die vorzige gesundheyt
verleyhen.

*3. Augustus
in 1590
in 1591
in 1592
in 1593* Endlich sol das ewer trost sein /
vnd jr solt Got ewig lob vnd danck das
für sagen / das er mit diser / vñnd nicht
mit einer andern straff euch hat heim-
gesucht / welches noch ein gnedige / ver-
terliche / vnd güldene straffe ist / gegen
ander straffen. Dann solt Gott etwan
Krieg oder hunger gesendet haben / da
würdet jr wol gesehen haben / was für
not / jammer vnd angst gewesen were /
wann eines nach dem andern het sol-
len hunger sterben / oder wañ die lands
Knechte / Weyb vñnd Kind für ewren
augen ermordet vnd erstochen hetten.
Darumb habt jr gehört / das der Pro-
phet David solche straffen nicht wil
haben /

haben/sonder er erwelt die Pestkrenz.
Denn ob es gleich auch trawrig genug
zugehet / so mache es doch bald ende/
Vnd wie David spricht / so fallen wir in
die hende des Herrn / Kommen wir
denn in des Herrn hende / so geschicht
vns wol / den da kan vns niemand auß
seinen henden reissen / Ob der leib gleich
muß abscheyden / so geschicht es im doch
zum besten. Dann da kompt er auß dis
sem elenden vnd trawrigem leben / inn
ein ander besser leben / darinn sein wirt
freude der fülle / vnnnd lieblich wesen zur
rechten Gottes ewiglich / Psalm 16. Ja
darinn wir Christen so schön vnnnd hell
leuchten werden / wie die liebe Sonne /
Wie Christus spricht / Matth. 13. Denn
werden die gerechten leuchten / wie die
Sonne in ires Vatters reych.

Darnach ist auch diese Historia
Davidis sehr tröstlich / Dann da hören
wir / wann Gott zürnet wider die sünd
de / vnnnd ein straff schicket / So wil er
nicht ewig zürnen / sondern wider gnes
dig sein / vnnnd die straffe abwenden /
wann wir allein vnser Sünde erken
nen /

*Trawrig
Wir in der
Pestkrenz.*

*Wir in der
Pestkrenz.*

*Das ist
die Geschichte
Davids.*

nen / vmb gnad bitten / vnd vnser leben
bessern / Wie er spricht im Propheten
Esaia am 54 : Ich habe dich ein klein
augenblick verlassen / aber mit grosser
barmhertzigkeit / wil ich dich sammeln /
Ich hab mein angesicht im augenblick
des zorns ein wenig von dir verborge /
aber mit ewiger gnade / wil ich mich
dein erbarmen / spricht der Herr dein
erlöser. Denn vnser Herr Gott ist ein
so gnediger vnd barmhertziger Gott
vnd Vatter / welchem wol bewust ist /
wie gar elende vnd betrübt leute wir
sind / Vnd wie wir so Kleinmütig vnd
trawrig sein / wenn wir etwas sollen
leiden / vnd das Creuz tragen. Das
rumb macht ers mit der straff vnd
Creuz / so er vns auffleget / also / das
wirs können tragen / Er züchtiget vns
ein kleinen augenblick / vnd wendet sein
nen zorn bald wider von vns ab / denn
sein zorn wehret ein augenblick / vnd
er hat lust zum leben / Psalmo 30. Ja
er ist so ein freundlicher Herr vñ leuts
seliger Gott / der vns Menschen nicht
von hertzen plaget noch betrübet / Jer
remie

*Montz
ganz
wird
sich*

remie 55. Wann er vns gleych züchtis
get / vnd ein Creutz zuschickt / so meiner
ers doch nicht böse mit vns / es ist nicht
sein ernst / den er thut es nicht darumb /
als zürne er mit vns / sonder er meiner
es herzlich gut / Er wil damit vnsern
glauben probiren / ob wir auch wollen
festhalten / wie er dort den lieben A-
braham versuchet / vnd seinen Son pro-
bieret / da er im befalch / er solt im sei-
nen Son Isaac aufopffern vñ schlach-
ten / Desgleychen dem lieben Joseph /
da er in lange zeyt ließ im gefencknuß
liegen. Solches erfahren wir aber aller
erst am ende / wann sein zorn fürüber
ist / vnd die hilff vnd erlösung angehet /
Da lernen wir / das ers herzlich gut /
als ein trewer Got mit vns gemeiner
habe / wie denn solches Abraham / Ja-
cob vnd Joseph wol erfahren haben.
Darumb lieber Freund vnd Bruder /
solt jr auch inn ewrem Creutz gedultig
sein / vnd der hilff des Herrn harren /
so werdet jr in der that erfahren / das
euch Gott nicht von hertzen geplaget
vnd betrübet habe / Sondern nur Ver-
terlich

*Got nicht
mit mir
zürnen
wilt.*

glauben

*Apostro-
pho ad
amicum*

terlich gezüchtiget/ damit jr nit sampt
der welt verdampft werdet / Sondern
mit andern Christen/durch vil Creutz
vnd trübsal möget eingehen inn das
reych der Himel/Welches euch erwor-
ben vnd erlanget hat/Christus ewer
Heyland/an welchen jr glaubet/vnd
den jr liebet / lobet vnd preysset.

*Sung
Lob
Herr
Herr
Herr*

Das aber vnser Herz Gott euch
genommen hat ewer liebe Haußfraw/
vnd etliche Kinder/so euch lieb gewes-
sen/ das lasset euch nicht anfechten/
dann sie sein wol versorget/vnd ist inen
gar wol geschehen / Sie ruhen vnd
schlafen jetzt inn der schoß Christi/bis
an Jüngsten tag/da wollen wir alle
wider zu ihnen kommen / vnd sie
wider sehen/wie wir sie alhie gesehen
haben. Denn wir Christen haben den
trost/das wir dort inn dem ewigen les-
ben/ alle einander wider kennen wer-
den/vnd freundlich mit einander res-
den. Denn weyl wir Christum kennen/
*ein
ein
ein
ein*
so werden wir auch alle Engel/ja alle
Heyligen vnd Creaturen Gottes ses-
hen vnd kennen. Da wirt Jacob seine
liebe

werden/wann Gott etwan vnser gute
freund von vns abfordert vnd sterben
lest/Wir sollen ja nicht ewiglich dersel-
bigen beraubet sein/sondern werden zu
inen komen/wie David von seinem son-
selber spricht: Kan ich ihn auch wider
holen/ Ich werde wol zu ihm faren/2.
Samuel.12. Also auch jr lieben freund/
werdet auch zu ewren lieben Ehege-
mahel vnd Kindern kommen inn dem
ewigen leben/ Sie sehen vnd kennen/
vnd euch mit inen inn Gott ewiglich
frewen. Darumb kom bald O Herz Je-
su Christ / vnd erlöse vns auß diesem
jammerthal/vnd füre vns in dein ewi-
ges reych / das wir dich sehen / vnd
vns mit dir vnd allen außeweltens
ewiglich frewen mögen / Amen.
Amen.

Ein

Ein vermanung
des Ehrwürdigen Herren
Doctoris Martini Lutheri /
an seine Wittenberger /
zur zeyt der Pest-
stilenz.

Nur zeyt / da allent-
halben / fast ein ganz halb
Jar vmb Wittenberg / die
grewliche seuche der Pestis-
lenz regieret hat / Sein die Burger zu
Wittenberg wunderbarlich von Gott be-
hütet vnd erhalten worden / das auch
mit mehr denn zwo person in der Stat
an solcher krankheyt gestorben sein /
Welches gleich mitten im Winter ges-
chehen. Da aber ein groß geschrey vñ
schrecken an allen orten vnter den leu-
ten sich darob erhaben / Hat der Ehr-
würdige Herr Doctor Martin Luth-
er seliger / öffentlich inn der predige
C h dise

*in 200
Personen
zu Witten-
berg gestor-
ben hat
Lutherus.*

dise vermanung gethan. Erstlich
greiff er hart an/ vnd strafft die jennis
gen/so das geschrey von der Pestilenz
vnter die leute bracht haben/Vnd dies
weyl Gott lob/die fahr nicht so groß
sey / hat er den Burgern widerraten
auf der Stat zu fliehen/sonderlich w3
eingewachsene Burger waren / **D**ann
es sey nicht Christlich/wann sie wolten
die iren verlassen/vnd sich dauon ma-
chen / So doch vor zeyten vil mehr leu-
te/hunger vnd durst/denn an der Pes-
tilenz gestorben weren. Hat sie ders
halben vermanet/ das sie die Vetter-
liche züchtigung des Herrn willig vnd
gedultig leyden vnnnd tragen wolten/
wie volget.

*Alig
widerr.
haben.*

*Comen
da p3t3r.*

So wir die Kinderstraff nicht
mögen leyden/dieweyl diese seuche vn-
ter allen plagen die geringste ist / Wie
wöllen wir denn Krieg vnd Hunger
tragen/da alle ding zerstöret vnd ver-
wüestet werden: Die Pestilenz reiniget
nur die Welt / on allen rumor vnnnd
auffhur / Da auch die Gottsförchtigen
sein sanfft/gleich in einem augen-
blick

blick einschlaffen. Darumb laßt euch dz
geschrey von der Pestilentz nicht erz
schrecken / thut dem Teuffel nicht so vil
zu liebe / das jr fliehen woltet / ob gleich
die Pestilentz in ewer Haus / tisch / bett
te vnd wiegen kompt / Wir haben den
trost dargegen / Christus ist gen Himmel
gefahren / sitzt zur rechten des Vatters /
vnd vertritt vns / Weyl wir derhalben
diesen Wirtler haben / vnd darzu alle tag
das lebendige wort Gottes / Warumb
fürchten wir vns den so sehr. Ja mehr
den vnter dem Papstum / da wir war-
lich beherzter waren / den jetzt. Was ist
dann mehr / so der Teuffel etliche mit
giffte scheußt / er hat ein Rhor darzu.
Euch die ihr im weltlichen Regiment
seyt / vermane ich / das jr alzeyt rüchti-
ge leut bestellet vnd ordnet / welche
den Erzten / Balbirern vnd andern /
so im Spital der Francken vnd armen
leute / so vom Almusen leben / warten /
können handreychen thun / nötiget sie
darzu / vnd so sie nicht wollen / so weiset
inen das Thor.

Darnach sage ich euch Burgern /
C ij die

Prop.

*An die
Obersten*

*An die
Bürger*

die jr fliehet / vnd die ewren verlasset /
das ich die armen inn der not nicht lass
sen wil / sonder ewer holz auff dem ans
ger lassen hereinfüren / vnd lassen ver
brennen / wöllen ewern vorhat / das
Korn / bier vnd was zu geniessen ist / den
armen auftheylen vnd darmessen / des
seyd gewarner / es gilt nicht also flie
hens / sondern das müssen wir thun /
das Christus fodert / **Matthei 25.** Ich
bin durstig gewesen / vnd ihr habt mich
getrenckt / Ich bin krank gewesen / vnd
jr seyd zu mir kommen. **Jr** wisset / das
ich zur zeyt der Pestilenz kein mal ge
flogen bin / sonder mit meinem ganzen
hausgesinde außgestanden. War wol
so edel als jr / vnd het auch mit gutem
gewissen wol mögen fliehen / diweyl
ich solchs von vnserm Landfürsten bes
felch hetre.

Nicht also. Es heyst / wer ange
wachsen ist / an Weyb / Kind / Bruder /
Schwester vnd Nachbarn / der bleibe
vnd helffe / vnd tröste in / inn gemeiner
sach / wir sind ein jeder ein andern
einen todt schuldig. Also bin ich jetzt
ewer

niand straffen kan noch wil. Ja ich bes
te wol erwan / das Gott doch mit der
Pestilenz komme / straffe vnnnd fege die
gassen / Ds doch vnserer Barren sehen /
wem sie ire Thaler / mit recht vnnnd vn
recht haben zusammen getraget. Die
wir angewachsene Personen sind / las
set vns Gott nicht erzürnen / das er
vns mit einer grössern straff tresse /
sondern dem rütlein / wens Kompt / bey
einander aufhalten / Sterben wir jez
zund / so dürfen wir vns vber eyliche
Jar nicht dafür fürchten. Lieber /
wenn solte Gott kommen / das es vns
gelegen were / vnnnd wir vns für dem
tod nicht fürchten: Wenn er Kompt /
so wollen wir nicht / vnd müssen doch /
wenn er wil / Darumb lasset vns ster
ben / wenn er wil / nicht aber begeren zu
leben / so lange wir wollen.

*Man sol man
wilt vor
sichon.* Doch wil ich hie Keynem vrsache
geben / Gott zu versuchen / das sich jez
mand auß fürwitz ohn alle vrsache /
auß seinem beruff / wolt in gefahr ges
ben / da es nicht von nöten ist. Die aber
angewachsene Personen sind / sollen
irens

stren nächsten/ auf Christlicher liebe vñ
dienst/nicht verlassen. Denn es ist gar
ein herzlich vnd köstlich ding/in seinem
beruff von Gott auferleget vnd gebo-
ten/sterben. Ich hab nun zweymal er-
faren zur zeyt diser seuche/ das sie den
Gottsfürchtigen Christen nicht hat
schaden können/ohn den willen Got-
tes. Ob gleych der böse Geyst gewaltig
vnd grausam genug darmit vnter den
leuten rumorete/ Vnd ich selbst / bin
auch erhalten worden mit meinem gan-
zem hause / habe auch gleych so wol
mein ampt vnd beruff mit Predigen
ausgericht / ob ich wol het können flie-
hen vnd weychen/so habe ich doch kein
mal die Kirchen verlassen/ Ich hofier-
te in die Pestilenz/wolt Gott/ich het-
te sonst kein grösser anfechtung / denn
das schrecken für der Pestilenz.

Die frembden Studenten/ so von
ihren Eltern hieher studierens halben
geschickt sein/die nicht gebunden noch
im Regiment sein/die mögen fliehen/
denen können wir die pforten nicht ver-
sperren/Wer aber eingewachsen ist/mie

C v dem

Handwritten note in red ink:
Lied
vnter
den
Lied
Lied

Handwritten note in red ink:
Lied
Lied
Lied

Dem hats ein ander meinung. Weinst
du das es gelten sol inn glück / heyl / ges
sundheyt vnd friden / sich aller freyheit
vnd genieses der Stadt wöllen ge
brauchen / Darnach wens vbel zugeht /
von seinen Nachbarn / die in oft ges
diener haben in vielerley / fliehen. Doch
vermane ich die Studenten / vñ bitte /
Weyl Gott lob / noch kein Pestilenz
bey vns ist / sie wolten nicht fliehen / auf
das sie nicht mit ihrer vnzeytigen
flucht vrsach geben / damit
vnser Schule zerrissen /
vnd zertrennet
werde.

Gedruckt zu Nürnberg /
durch Ulrich Neuber
und Johann vom
Berge erben.

Ditrich verlag büchdrucker in
Nürnberg für mich am 17.
März im 55 7 1 Jahr gr. Junck.

Faint, illegible handwritten text, possibly bleed-through from the reverse side of the page.

Fragment of text from the adjacent page, including the letters 'f', 't', 'l', and 'v'.



losq; spiritales contra canes
iugiter manu baiulent. **U**t
pasca iesu mereamur sequi.
quo de baratro victor rediit.

En rediuiuus mundus or-
natibus. **C**hristo consurgēs
fideles admonet. **P**ost mor-
tem melius cum eo victuros.


Scdm lucam **ultimo.**

In illo tpe: Stetit ie-
sus in medio discipu-
lorū suorū: ⁊ dixit eis. Pax
vobis. Ego sum: nolite

manducaliet cora eis: lu
mēs reliquias dedit eis
et dixit ad eos. hec sunt
verba que locut⁹ sum ad
vos cū adhuc essem vo:
biscū: qm̄ necesse est im:
pleri oīa que scripta sunt
in lege moyli. ⁊ pphetis.
et psalmis de me. Tunc
aperuit illis sensū vt itel
ligerēt scripturas: ⁊ dixit
eis. Qm̄ sic scriptū est: et
sic oportebat christū pa:



412
Ein vermanung
Hieronymi Welleri S. An
seine lieben Freyberger!
 zur zeyt/da die Pestilent
 bey in regierte.



Psalmo/ LXXXIX.
 Woldem Volck das janchzen kan.
Anno M. D. LXV.

28

